

4. ҚАШЫҚТАН БІЛІМ БЕРУ



Қашықтықтан білім беру порталының адресі: dl.nmu.edu.kz

Логин және пароль: Платонус жүйесімен бірдей (edu.nmu.edu.kz)

dl.nmu.edu.kz арқылы сабақ оқу

Қашықтықтан білім беру технологияларын (ҚБТ) пайдалана отырып оқу процесін ұйымдастыру академиялық күнтізбеге сәйкес білім алушылардың білім беру бағдарламаларын игеруі үшін жүзеге асырылады.

ҚБТ жоғары білім деңгейінде қолданылады:

1. техникалық кәсіптік, орта білімнен кейінгі және жоғары білім базасында қысқартылған білім беру бағдарламалары бойынша оқитындарға;
2. дене мүмкіндіктері шектеулі адамдар, оның ішінде мүгедек балалар, I және II топтағы мүгедектер болып табылатын адамдар үшін;
3. «Болашақ» стипендиаттарын қоспағанда, білім алушыларды алмасу бағдарламалары бойынша мемлекеттен тыс жерлерге кеткен;
4. мерзімді әскери қызметке шақырылған білім алушылар;
5. ұзақ уақытқа шетелдік іссапарда жүрген (бір айдан астам);
6. академиялық ұтқырлық бағдарламалары бойынша білім алушылар;
7. ҚБТ формальды емес, қосымша білім беру, қайта даярлау және біліктілігін арттыру, оның ішінде шет тілдеріне қатысты пайдаланылады.

Оқуға қабылданғаннан кейін студенттер үшін бағдар апталығы шеңберінде Қашықтықтан оқытудың принциптері мен мүмкіндіктерін түсіндіру бойынша кіріспе сабақтар өткізіледі, оны өткізу мерзімі академиялық күнтізбеде көрсетіледі.

Қашықтықтан оқыту технологияларын қолдану арқылы оқыту "on-line", "off-line" режимінде қашықтықтан оқыту сабақтарын өткізуге негізделеді және университет оқытушыларының жетекшілігімен оқу курстарының студенттерінің өз бетінше үйренуін көздейді.

Студент қашықтықтан оқу материалын оқып барлық тапсырмаларды орындайды. Оқытушы мен студенттің «on-line» және «off-line» режимдерінде өзара іс-қимылы dl.nmu.edu.kz арқылы жүзеге асырылады.

Қашықтықтан оқыту форматында онлайн-сессияны өткізу кезінде сабаққа қатысуды оқытушы әрбір білім алушының akkaунтынан ағынның бейнетрансляциясы негізінде, сондай-ақ пайдаланылатын платформа мен сервистің (Platonus, MOODLE, Zoom, YouTube) байланыссыз онлайн-сессияға қатысушылардың әрекеттері туралы деректер (Логтар) бойынша ескереді.

Пайдаланылатын платформа немесе сервис құралдарымен білім алушылармен үнемі көзбен шолып байланыс болмаған жағдайда оқытушы білім алушының сабақты дәлелсіз себептермен қатыспағанын белгілейді. Бейне ағындарды тарату мүмкіндігінен айыратын техникалық проблемалар болған жағдайда білім алушының сабаққа нақты қатысуын растау оқытушыға жүктеледі (мерзімді дауыстық сұрау, тартуға арналған контенттік сұрау және т.б.).

Университетінің оқытушылары мен білім алушылары қашықтықтан оқыту немесе «on-line» форматында (бейне ағындарын трансляциялау) сабақ өткізу кезінде визуалды және сөйлеу этикетін сақтауға міндетті, атап айтқанда: сыртқы көрініске қойылатын талаптарды сақтауға, дененің ашық бөліктерін, цензуралық емес, арандатушылық немесе Қазақстан Республикасы заңнамасының нормаларын бұзатын бейнелерді, оның ішінде киім мен фонда көрсетуге жол бермеуге, осы курс бойынша білім алушы болып табылмайтын адамдарды трансляциялауға, үй жануарларын, немесе академиялық сипаттағы өзге де іс-шаралардың қалыпты барысын бұзуға әкеп соғуы мүмкін.